

Broj: 03-02-646/2026  
Sarajevo, 17.07.2026. godine

**PARLAMENT FEDERACIJE  
BOSNE I HERCEGOVINE**

**- Predstavnički dom -**

**- Dom naroda -**

**gosp. Tomislav Martinović, predsjedavajući**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i sa članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), radi razmatranja i usvajanja po skraćenom postupku, dostavljam Vam **PRIJEDLOG ZAKONA O IZMJENAMA I DOPUNAMA ZAKONA O FINANSIJSKOJ KONSOLIDACIJI PRIVREDNIH DRUŠTAVA U FEDERACIJI BOSNE I HERCEGOVINE**, koji je utvrdila Vlada Federacije Bosne i Hercegovine na 71. sjednici, održanoj 16.07.2026. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog:

- Prijedlog zakona na bosanskom jeziku (CD)
- Tekst odredbi Zakona koje se mijenjaju i dopunjuju
- Izjava o usklađenosti
- Obrazac broj 1
- Obrazac broj 2
- Obrazac IFP-NE
- Zakon o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, br. 52/14, 36/18, 54/19, 48/21 i 94/23)

**Co: Federalno ministarstvo energije, rudarstva i industrije**  
**gosp. Vedran Lakić, ministar**

*Co: greda*

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENAMA I DOPUNAMA ZAKONA O FINANSIJSKOJ KONSOLIDACIJI  
PRIVREDNIH DRUŠTAVA U FEDERACIJI BOSNE I HERCEGOVINE**

**Sarajevo, juli 2026. godine**

## PRIJEDLOG ZA DONOŠENJE ZAKONA PO SKRAĆENOM POSTUPKU

Vlada Federacije Bosne i Hercegovine predlaže Parlamentu Federacije Bosne i Hercegovine da **Zakon o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine**, donese po skraćenom postupku.

### **O b r a z l o ž e n j e** **prijedloga za donošenje zakona po skraćenom postupku**

Dosljednim praćenjem primjene Zakona o finansijskoj konsolidaciji privrednih društava u Federaciji Bosne i Hercegovine utvrđene su prepreke na realizaciji Odluka o finansijskoj konsolidaciji privrednih društava.

**Prijedlog izmjena zakona ima za cilj da se otklone prepreke na realizaciji Odluka o finansijskoj konsolidaciji privrednih društava**, te da se omogući da privredna društva u roku od dodatne dvije godine, odnosno do 31.12.2029. godine, **izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine**, kao i da se omogući drugim privrednim društvima koja posluju sa poteškoćama da u roku do 30.06.2028. godine, mogu podnijeti zahtjeve za odobravanje postupka finansijske konsolidacije.

**Prijedlogom dopuna zakona**, riješio bi se status **prodaje neperspektivne imovine** privrednih društava, odnosno dugovanja **društva sa većinskim učešćem državnog kapitala čija je osnovna djelatnost eksploatacija mineralnih sirovina**, a koja se odnose na dugovanja za doprinose za penzijsko i invalidsko osiguranje, tako da mogu biti predmet finansijske konsolidacije. Prodaju ove imovine **provodila bi Porezna uprava Federacije Bosne i Hercegovine** u skladu sa svojim propisima. Ostvarena sredstva bi se uplaćivala direktno na račune javnih prihoda čime bi se stvorilo optimalno rješenje za nastavak provođenja započetih postupaka finansijske konsolidacije.

Zato smatramo da bi donošenje Zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine, omogućilo privrednim društvima, naročito onima čija je osnovna djelatnost eksploatacija mineralnih sirovina, da lakše prevaziđu nastale probleme u poslovanju.

Obzirom da postoji opasnost od pokretanja sudskih postupaka od strane subjekata obuhvaćenih finansijskom konsolidacijom, to se u konkretnom slučaju radi o izmjenama i dopunama Zakona za koje postoji neodložna potreba, a kako bi se izbjeglo nastajanje štetnih posljedica za Federaciju Bosne i Hercegovine.

Vlada Federacije Bosne i Hercegovine je stava da su ispunjeni uslovi iz poslovnika oba doma Parlamenta Federacije Bosne i Hercegovine da se ove izmjene i dopune Zakona razmatraju po skraćenom postupku i predlaže da se o Prijedlogu zakona raspravlja po skraćenom postupku, bez nacrtu zakona.

**ZAKON**  
**O IZMJENAMA I DOPUNAMA ZAKONA O FINANSIJSKOJ KONSOLIDACIJI**  
**PRIVREDNIH DRUŠTAVA U FEDERACIJI BOSNE I HERCEGOVINE**

**Član 1.**

U Zakonu o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH”, br. 52/14, 36/18, 54/19, 48/21 i 94/23), u daljem tekstu: Zakon, u članu 2. stav (1) riječi: „31.12.2021. godine“, zamjenjuju se riječima: „31.12.2025. godine“.

U članu 2. iza stava (2) dodaje se novi stav (3) koji glasi: „Izuzetno, dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.“

**Član 2.**

U članu 5. iza stava (2) dodaju se novi st. (3), (4), (5) i (6) koji glase:

- (3) Kada je nad imovinom društva čija je osnovna djelatnost eksploatacija mineralnih sirovina, a koja nije uslov za obavljanje osnovne djelatnosti, uspostavljena hipoteka u korist Porezne uprave Federacije Bosne i Hercegovine, prodaju takve imovine provodi Porezna uprava Federacije Bosne i Hercegovine u skladu sa svojim propisima.
- (4) Društvo čija je osnovna djelatnost eksploatacija mineralnih sirovina, a koje se nalazi u postupku finansijske konsolidacije može dostaviti Poreznoj upravi Federacije Bosne i Hercegovine popis i procjenu imovine koju će sačiniti sudski vještak odgovarajuće struke ili društvo koje ima ovlaštenja da vrši ovakve procjene, a koja se ne koristi za obavljanje osnovne djelatnosti, u skladu sa članom 7. ovog zakona, te svaku naknadnu promjenu u pogledu statusa te imovine.
- (5) Porezna uprava Federacije Bosne i Hercegovine može prodati imovinu društva čija je osnovna djelatnost eksploatacija mineralnih sirovina, a čija cijena ne može biti niža od cijene iz procjene propisane u stavu (4) ovog člana.
- (6) Prodajom imovine na ovaj način ne prekida se postupak finansijske konsolidacije društva čija je osnovna djelatnost eksploatacija mineralnih sirovina, već se ostvarena sredstva uračunavaju u realizaciju plana konsolidacije.

**Član 3.**

U članu 7. stav (1) riječi: „30.06.2026. godine“, zamjenjuju se riječima: „30.06.2028. godine“.

**Član 4.**

U članu 8. stav (3) riječi: „31.12.2027. godine“ zamjenjuju se riječima: „31.12.2029. godine“.

#### **Član 5.**

U članu 11. stav (1) riječi: „31.12.2021. godine“, zamjenjuju se riječima: „31.12.2025. godine“.

#### **Član 6.**

Ovaj zakon stupa na snagu osmog dana od dana objavljivanja u „Službenim novinama Federacije BiH“.

**O B R A Z L O Ž E N J E**  
**PRIJEDLOGA ZAKONA O IZMJENAMA I DOPUNAMA ZAKONA O**  
**FINANSIJSKOJ KONSOLIDACIJI PRIVREDNIH DRUŠTAVA U FEDERACIJI**  
**BOSNE I HERCEGOVINE**

**I - PRAVNI OSNOV**

Ustavni osnov za donošenje Zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine, sadržan je u odredbi tačke c) Amandmana VIII na Ustav Federacije Bosne i Hercegovine, prema kojoj je u isključivoj nadležnosti Federacije Bosne i Hercegovine utvrđivanje ekonomske politike, i članu IV A. 20 (1) d) Ustava Federacije Bosne i Hercegovine, prema kojoj je Parlament Federacije Bosne i Hercegovine odgovoran za donošenje zakona u vršenju funkcije Federalne vlasti.

**II - RAZLOZI ZA DONOŠENJE ZAKONA**

Federalno ministarstvo energije, rudarstva i industrije ima resornu nadležnost u pogledu monitoringa i evaluacije Zakona o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, br. 52/14, 36/18, 54/19, 48/21 i 94/23).

**Zakon o finansijskoj konsolidaciji privrednih društava u Federaciji Bosne i Hercegovine** („Službene novine Federacije BiH“, br. 52/14, 36/18, 54/19, 48/21 i 94/23) je **temporalnog karaktera** sa propisanim rokom (**31.12.2027. godine**) u kojem privredna društva kojima je **odobren postupak finansijske konsolidacije**, treba isti i da okončaju.

**Federalno ministarstvo energije, rudarstva i industrije** je, nakon stupanja na snagu Zakona o izmjenama i dopuni Zakona o finansijskoj konsolidaciji privrednih društava u Federaciji Bosne i Hercegovine (decembar 2023. godine), Vladi Federacije Bosne i Hercegovine na razmatranje i usvajanje dostavilo **Prijedlog šest Odluka o postupku finansijske konsolidacije** za privredna društva iz svoje nadležnosti, i to:

- „BINAS“ d.d. Bugojno,
- Konfekcija „BORAC“ d.d. Travnik,
- „ALUMINIJ“ d.d. Mostar,
- „BNT TMIH“ d.d. Novi Travnik,
- Rudnik uglja „KREKA“ d.o.o. Tuzla,
- Rudnik mrkog uglja „ZENICA“ d.o.o. Zenica.

**Federalno ministarstvo poljoprivrede, vodoprivrede i šumarstva** je Vladi Federacije Bosne i Hercegovine na razmatranje i usvajanje dostavilo **Prijedlog Odluke o postupku finansijske konsolidacije** za privredno društvo „AGROKOMERC“ d.d. Velika Kladuša.

Vršeći monitoring i evaluaciju provođenja Zakona o finansijskoj konsolidaciji privrednih društava u Federaciji Bosne i Hercegovine, u periodu januar 2024. – septembar 2025. godine, Federalno ministarstvo energije, rudarstva i industrije je Vladi Federacije Bosne i Hercegovine dostavilo:

- **Informaciju o provođenju** Zakona o finansijskoj konsolidaciji privrednih društava u Federaciji Bosne i Hercegovine, koju je **Vlada Federacije Bosne i Hercegovine usvojila na 25. sjednici, održanoj 09.01.2024. godine.**

Predmetnu informaciju je razmatrao i primio na znanje Parlament Federacije Bosne i Hercegovine i to: **Predstavnički dom Parlamenta Federacije Bosne i Hercegovine na 15. redovnoj sjednici održanoj 12.12.2024. godine i Dom naroda Federacije Bosne i Hercegovine na 17. redovnoj sjednici održanoj 20.03.2025. godine,**

- **Informaciju o realizaciji Odluka o finansijskoj konsolidaciji privrednih društava u Federaciji Bosne i Hercegovine iz Sektora industrije za 2024. godinu, koju je Vlada Federacije Bosne i Hercegovine usvojila na 58. sjednici, održanoj 09.07.2025. godine.**

Pored toga, **Vlada Federacije Bosne i Hercegovine je, na 40. sjednici održanoj 29.08.2024. godine,** razmatrala Izjašnjenje Federalnog ministarstva finansija - Federalnog ministarstva financija od 24.05.2024. godine i Federalnog ministarstva energije, rudarstva i industrije od 30.05.2024. godine, a u vezi Inicijative za davanje autentičnog tumačenja Zakona o finansijskoj konsolidaciji privrednih društava u Federaciji Bosne i Hercegovine i Zakona o Poreznoj upravi Federacije Bosne i Hercegovine, koji je podnio Rudnik uglja „KREKA“ d.o.o. Tuzla. Zaključak V. broj: 1348/2024 od 29.08.2024. godine, sa predmetnim Izjašnjenjima dostavljena su Predstavničkom domu i Domu naroda Parlamenta Federacije Bosne i Hercegovine.

**Odbor za energetiku, rudarstvo i industriju Predstavničkog doma Parlamenta Federacije Bosne i Hercegovine je na 15. sjednici Odbora, održanoj 21.10.2024. godine,** prihvatio dostavljena Izjašnjenja, u skladu sa zaključkom Vlade Federacije Bosne i Hercegovine.

Rudnik uglja „KREKA“ d.o.o. Tuzla je Vladi Federacije Bosne i Hercegovine i Federalnom ministarstvu energije, rudarstva i industrije uputilo više Zahtjeva za mišljenjem u vezi sa primjenom Zakona o finansijskoj konsolidaciji privrednih društava u Federaciji Bosne i Hercegovine (akt društva „KREKA“ d.o.o. Tuzla, broj: 01-7787/2024 od 03.10.2024. godine, broj: 01-9154/24 od 05.12.2024. godine, broj: 01-2191/25 od 04.04.2025. godine, 01-5128/2025 od 14.08.2025. godine), **koji se odnose na „Rješavanje statusa prodaje neperspektivne imovine“.**

U tom cilju su izneseni **prijedlozi dopuna** Zakona o finansijskoj konsolidaciji privrednih društava u Federaciji Bosne i Hercegovine („Službene novine Federacije BiH“, br. 52/14, 36/18, 54/19, 48/21 i 94/23), koje se odnose na to da se:

- **U članu 2. iza stava (2) dodaje novi stav (3)** koji glasi: „Izuzetno, dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.“, i
- **U članu 5. iza stava (2) dodaju novi st. (3), (4), (5) i (6),** koji glase:
  - (3) Kada je nad imovinom društva čija je osnovna djelatnost eksploatacija mineralnih sirovina, a koja nije uslov za obavljanje osnovne djelatnosti, uspostavljena hipoteka u korist Porezne uprave Federacije Bosne i Hercegovine, prodaju takve imovine provodi Porezna uprava Federacije Bosne i Hercegovine u skladu sa svojim propisima.
  - (4) Društvo čija je osnovna djelatnost eksploatacija mineralnih sirovina, a koje se nalazi u postupku finansijske konsolidacije može dostaviti Poreznoj upravi Federacije Bosne i Hercegovine popis i procjenu imovine koju će sačiniti sudski vještak odgovarajuće struke ili društvo koje ima ovlaštenja



da vrši ovakve procjene, a koja se ne koristi za obavljanje osnovne djelatnosti, u skladu sa članom 7. ovog zakona, te svaku naknadnu promjenu u pogledu statusa te imovine.

- (5) Porezna uprava Federacije Bosne i Hercegovine može prodati imovinu društva čija je osnovna djelatnost eksploatacija mineralnih sirovina, a čija cijena ne može biti niža od cijene iz procjene propisane u stavu (4) ovog člana.
- (6) Prodajom imovine na ovaj način ne prekida se postupak finansijske konsolidacije društva čija je osnovna djelatnost eksploatacija mineralnih sirovina, već se ostvarena sredstva uračunavaju u realizaciju plana konsolidacije.

Prijedlogom ovih dopuna riješio bi se status **prodaje neperspektivne imovine** privrednih društava čija je osnovna djelatnost eksploatacija mineralnih sirovina, **koju bi provodila Porezna uprava Federacije Bosne i Hercegovine** u skladu sa svojim propisima i koja bi se uplaćivala direktno na račune javnih prihoda. Time bi se stvorilo optimalno rješenje za nastavak provođenja započetih postupaka finansijske konsolidacije.

Kada je riječ o **prijedlozima izmjena Zakona o finansijskoj konsolidaciji** privrednih društava u Federaciji Bosne i Hercegovine, oni **idu u smjeru da se privrednim društvima kojima je odobren postupak finansijske konsolidacije odredi dodatni rok u kojem bi izvršili sve aktivnosti vezane za primjenu ovog zakona**, ali i **da se privrednim društvima koja bi išla u postupak finansijske konsolidacije omogući podnošenje zahtjeva za finansijskom konsolidacijom**.

Prijedlog ovog zakona ima za cilj **da se otklone prepreke na realizaciji Odluka o finansijskoj konsolidaciji privrednih društava**, te da se omogući da privredna društva u roku od dodatne dvije godine, odnosno do 31.12.2029. godine, **izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine**, kao i da se **omogući drugim privrednim društvima koja posluju sa poteškoćama da u roku do 30.06.2028. godine, mogu podnijeti zahtjeve za odobravanje postupka finansijske konsolidacije**, kao i druge izmjene koje će pomoći realizaciji Zakona o finansijskoj konsolidaciji privrednih društava u Federaciji Bosne i Hercegovine.

### **III – USKLAĐENOST PROPISA SA EVROPSKIM ZAKONODAVSTVOM**

Uz tekst Nacrta zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine, u skladu sa Uredbom o procjeni utjecaja propisa („Službene novine Federacije BiH“, broj: 67/20), dostavljen je: **Obrazac za provođenje skraćene procjene uticaja propisa – Obrazac broj 1a**. U navedenom obrascu, dati su odgovori na pitanja koja se odnose na:

- Usklađenost prednacrt/nacrta zakona sa strateškim dokumentima i Programom rada Vlade Federacije i Parlamenta Federacije,
- Ocjenu trenutnog stanja i ciljevi koji se žele postići prednacrtom/nacrtom zakona,
- Proces konsultacija,
- Alternativna rješenja – identifikacija opcija,
- Utjecaj odabranog rješenja problema na privredu, društvo i okoliš, i
- Provođenje zakona,



Uz tekst Nacrta zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine, u skladu sa Uredbom o postupku usklađivanja zakonodavstva Federacije Bosne i Hercegovine sa pravnom stečevinom Evropske unije („Službene novine Federacije BiH“, broj: 98/16), dostavljena je **Izjava o usklađenosti** u kojoj je navedeno da nema:

- Odredbi Sporazuma o stabilizaciji i pridruživanju sa kojima bi se vršilo usklađivanje teksta Nacrta zakona, odnosno
- Ne postoje izvori prava EU sa kojima bi se vršilo usklađivanje predmetnog zakona.

Također je dostavljen i **Obrazac A. Tablica usklađenosti za jedan propis** u kojem je, za Nacrt zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine, navedeno: Tekst svakog člana zakona, Konstatcija nije preuzeto (NP) i Obrazloženje da „Ne postoje izvori prava EU sa kojima bi se vršilo usklađivanje predmetnog Nacrta zakona“.

#### **IV – OBRAZLOŽENJE PREDLOŽENIH PRAVNIH RJEŠENJA**

Prijedlog ovog zakona ima za cilj da se otklone prepreke na realizaciji Odluka o finansijskoj konsolidaciji privrednih društava, te da se omogući:

- Rješavanje statusa prodaje neperspektivne imovine privrednih društava čija je osnovna djelatnost eksploatacija mineralnih sirovina, a koju bi provodila Porezna uprava Federacije Bosne i Hercegovine u skladu sa svojim propisima i koja bi se uplaćivala direktno na račune javnih prihoda. Time bi se stvorilo optimalno rješenje za nastavak provođenja započetih postupaka finansijske konsolidacije,
- da privredna društva u roku od **dodatne dvije godine**, odnosno do 31.12.2029. godine, **izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine**,
- da se **omogući drugim privrednim društvima** koja posluju sa poteškoćama da u roku do 30.06.2028. godine, **mogü podnijeti zahtjeve za odobravanje postupka finansijske konsolidacije**.

a) Predlaže se da se važeća odredba člana 2. Zakona o finansijskoj konsolidaciji privrednih društava u Federaciji Bosne i Hercegovine, koja glasi:

##### **Član 2.**

Finansijska konsolidacija društva sa većinskim učešćem državnog kapitala može obuhvatiti dugovanja nastala zaključno do 31.12.2021. godine na osnovu:

- doprinosa za zdravstveno osiguranje,
- doprinosa za osiguranje od nezaposlenosti,
- poreza, isključujući porez na dodatnu vrijednost,
- isporučene vode, struje, plina, grijanja i ostalih komunalnih usluga,
- dugovanja prema dobavljačima za isporučene robe i usluge,
- dugovanja prema zaposlenicima.

Finansijska konsolidacija dugovanja društva sa većinskim učešćem državnog kapitala za doprinose za penzijsko i invalidsko osiguranje bit će predmet posebnog zakona.

**izmijeni tako da, u članu 2. stav (1) Zakona, riječi: „31.12.2021. godine“ zamjenjuju se riječima: „31.12.2025. godine“.**

**Dopuna člana 2.** odnosi se na to da se iza stava (2) dodaje novi stav (3) koji glasi: „Izuzetno, dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.“

**Novi član 2. glasi:**

Finansijska konsolidacija društva sa većinskim učešćem državnog kapitala može obuhvatiti dugovanja nastala zaključno do 31.12.2025. godine na osnovu:

- doprinosa za zdravstveno osiguranje,
- doprinosa za osiguranje od nezaposlenosti,
- poreza, isključujući porez na dodatnu vrijednost,
- isporučene vode, struje, plina, grijanja i ostalih komunalnih usluga,
- dugovanja prema dobavljačima za isporučene robe i usluge,
- dugovanja prema zaposlenicima.

Finansijska konsolidacija dugovanja društva sa većinskim učešćem državnog kapitala za doprinose za penzijsko i invalidsko osiguranje bit će predmet posebnog zakona.

Izuzetno, dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.

**Obrazloženje:**

Prijedlogom ove izmjene, ažurira se vremenski period koji može obuhvatiti dugovanja društva, a koja su osnova za finansijsku konsolidaciju društva sa većinskim učešćem državnog kapitala. Predloženo je da vremenski period koji može obuhvatiti dugovanja društva, umjesto **31.12.2021. godine**, budu dugovanja društva zaključno sa **31.12.2025. godine**.

Prijedlog ove dopune ide u cilju da i dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.

**b) Predlaže se da se važeća odredba člana 5. Zakona o finansijskoj konsolidaciji privrednih društava u Federaciji Bosne i Hercegovine, koja glasi:**

**Član 5.**

- (1) Finansijska konsolidacija dugovanja društva sa većinskim učešćem državnog kapitala prema dobavljačima za isporučene robe i usluge i prema zaposlenicima može se izvršiti:
- iz sredstava ostvarenih prodajom imovine koja nisu uvjet obavljanja njihove osnovne djelatnosti u postupku male privatizacije,
  - iz sredstava ostvarenih prodajom imovine koja se koristila za osnovnu djelatnost društva, ali koja nije bila u funkciji najmanje 36 mjeseci ili je njeno korištenje, zbog tehničko-tehnološke zastarjelosti nerentabilno za proizvodnu djelatnost privrednog društva,
  - promjenom strukture osnovnog kapitala društva sa većinskim učešćem državnog kapitala u korist povjerilaca u iznosu jednakom iznosu dugovanja

društva koje se konsoliduje, ukoliko društvo koje se konsoliduje pribavi prethodnu saglasnost povjerilaca.

- (2) Prodajom dijelova, odnosno sredstava društva sa većinskim učešćem državnog kapitala koji nisu uvjet za obavljanje njihove osnovne djelatnosti vrši se u postupku male privatizacije u skladu sa odredbama Zakona o privatizaciji preduzeća („Službene novine Federacije BiH“, br. 27/97, 8/99, 12/00, 45/00, 54/00, 61/01, 27/02, 33/02, 28/04, 44/04, 42/06 i 04/09).

**dopuni**, na način da se u članu 5. Zakona, iza stava (2) dodaju se st. (3), (4), (5) i (6) koji glase:

- (3) Kada je nad imovinom društva čija je osnovna djelatnost eksploatacija mineralnih sirovina, a koja nije uslov za obavljanje osnovne djelatnosti, uspostavljena hipoteka u korist Porezne uprave Federacije Bosne i Hercegovine, prodaju takve imovine provodi Porezna uprava Federacije Bosne i Hercegovine u skladu sa svojim propisima.
- (4) Društvo čija je osnovna djelatnost eksploatacija mineralnih sirovina, a koje se nalazi u postupku finansijske konsolidacije može dostaviti Poreznoj upravi Federacije Bosne i Hercegovine popis i procjenu imovine koju će sačiniti sudski vještak odgovarajuće struke ili društvo koje ima ovlaštenja da vrši ovakve procjene, a koja se ne koristi za obavljanje osnovne djelatnosti, u skladu sa članom 7. ovog zakona, te svaku naknadnu promjenu u pogledu statusa te imovine.
- (5) Porezna uprava Federacije Bosne i Hercegovine može prodati imovinu društva čija je osnovna djelatnost eksploatacija mineralnih sirovina, a čija cijena ne može biti niža od cijene iz procjene propisane u stavu (4) ovog člana.
- (6) Prodajom imovine na ovaj način ne prekida se postupak finansijske konsolidacije društva čija je osnovna djelatnost eksploatacija mineralnih sirovina, već se ostvarena sredstva uračunavaju u realizaciju plana konsolidacije.

#### **(Prijedlog nove odredbe)**

##### **Član 5.**

- (1) Finansijska konsolidacija dugovanja društva sa većinskim učešćem državnog kapitala prema dobavljačima za isporučene robe i usluge i prema zaposlenicima može se izvršiti:
- iz sredstava ostvarenih prodajom imovine koja nisu uvjet obavljanja njihove osnovne djelatnosti u postupku male privatizacije,
  - iz sredstava ostvarenih prodajom imovine koja se koristila za osnovnu djelatnost društva, ali koja nije bila u funkciji najmanje 36 mjeseci ili je njeno korištenje, zbog tehničko-tehnološke zastarjelosti nerentabilno za proizvodnu djelatnost privrednog društva,
  - promjenom strukture osnovnog kapitala društva sa većinskim učešćem državnog kapitala u korist povjerilaca u iznosu jednakom iznosu dugovanja društva koje se konsoliduje, ukoliko društvo koje se konsoliduje pribavi prethodnu saglasnost povjerilaca.
- (2) Prodajom dijelova, odnosno sredstava društva sa većinskim učešćem državnog kapitala koji nisu uvjet za obavljanje njihove osnovne djelatnosti vrši se u postupku male privatizacije u skladu sa odredbama Zakona o privatizaciji

preduzeća („Službene novine Federacije BiH“, br. 27/97, 8/99, 12/00, 45/00, 54/00, 61/01, 27/02, 33/02, 28/04, 44/04, 42/06 i 04/09).

- (3) Kada je nad imovinom društva čija je osnovna djelatnost eksploatacija mineralnih sirovina, a koja nije uslov za obavljanje osnovne djelatnosti, uspostavljena hipoteka u korist Porezne uprave Federacije Bosne i Hercegovine, prodaju takve imovine provodi Porezna uprava Federacije Bosne i Hercegovine u skladu sa svojim propisima.
- (4) Društvo čija je osnovna djelatnost eksploatacija mineralnih sirovina, a koje se nalazi u postupku finansijske konsolidacije može dostaviti Poreznoj upravi Federacije Bosne i Hercegovine popis i procjenu imovine koju će sačiniti sudski vještak odgovarajuće struke ili društvo koje ima ovlaštenja da vrši ovakve procjene, a koja se ne koristi za obavljanje osnovne djelatnosti, u skladu sa članom 7. ovog zakona, te svaku naknadnu promjenu u pogledu statusa te imovine.
- (5) Porezna uprava Federacije Bosne i Hercegovine može prodati imovinu društva čija je osnovna djelatnost eksploatacija mineralnih sirovina, a čija cijena ne može biti niža od cijene iz procjene propisane u stavu (4) ovog člana.
- (6) Prodajom imovine na ovaj način ne prekida se postupak finansijske konsolidacije društva čija je osnovna djelatnost eksploatacija mineralnih sirovina, već se ostvarena sredstva uračunavaju u realizaciju plana konsolidacije.

#### **Obrazloženje:**

Prijedlogom ove dopune, omogućava se rješavanje statusa prodaje neperspektivne imovine privrednih društava čija je osnovna djelatnost eksploatacija mineralnih sirovina, a koju bi provodila Porezna uprava Federacije Bosne i Hercegovine u skladu sa svojim propisima i koja bi se uplaćivala direktno na račune javnih prihoda. Time bi se stvorilo optimalno rješenje za nastavak provođenja započetih postupaka finansijske konsolidacije.

- c) Predlaže se da se važeća odredba člana 7. Zakona o finansijskoj konsolidaciji privrednih društava u Federaciji Bosne i Hercegovine, koja glasi:

Zahtjev za finansijsku konsolidaciju odgovorno lice u privrednom društvu sa većinskim učešćem državnog kapitala može podnijeti do 30.06.2026. godine.

Zahtjev iz stava (1) ovog člana treba sadržavati :

- elaborat opravdanosti finansijske konsolidacije i srednjoročni plan razvoja,
- finansijsko stanje privrednog društva prema posljednjem usvojenom godišnjem izvještaju o poslovanju društva,
- iznos i strukturu dugovanja društva na osnovu doprinosa, usaglašen sa podacima iz evidencije Porezne uprave Federacije Bosne i Hercegovine,
- iznos i strukturu potraživanja društva,
- revidirani godišnji izvještaj o poslovanju društva,
- iznos i strukturu ukupnog duga društva,
- iznos potraživanja društva na osnovu obveznica čiji emitent je Federacija Bosne i Hercegovine,
- popis i procjenu imovine koja se ne koristi za osnovnu proizvodnu djelatnost društva i imovine koja se koristila za osnovnu proizvodnu djelatnost društva, ali koja nije bila u funkciji najmanje 36 mjeseci ili je njeno korištenje, zbog tehničko-tehnološke zastarjelosti, nerentabilno za proizvodnu djelatnost

- privrednog društva i odluku nadležnog organa društva kojom su utvrđeni popis i procjena ove imovine,
- prethodne saglasnosti iz člana 4. stav (3) i člana 5. stav (1) alineja 3. ovog zakona,
  - informaciju o svim postupcima konsolidacije dugovanja društva koji su u toku, a koji se provode u skladu sa drugim propisima,
  - ukoliko se traži finansijska konsolidacija dugovanja na osnovu doprinosa za zdravstveno osiguranje iznos novčanih sredstava koja je privredno društvo platilo na ime izmirenja troškova liječenja svojih zaposlenika, u periodu za koji su nastala dugovanja na osnovu doprinosa za zdravstveno osiguranje, potvrđen od nadležne zdravstvene ustanove.

Nadležni organ vlasti može pribavljati i sve ostale podatke neophodne za postupak finansijske konsolidacije najduže u roku 30 dana od dana dostavljanja zahtjeva iz stava (2) ovog člana.

**IZMIJENI**, tako da, u članu 7. stav (1) Zakona, riječi: „**30.06.2026. godine**“ zamjenjuju se riječima: „**30.06.2028. godine**“.

**Novi stav (1) glasi:**

Zahtjev za finansijsku konsolidaciju odgovorno lice u privrednom društvu sa većinskim učešćem državnog kapitala može podnijeti do **30.06.2028. godine**.

**Obrazloženje:**

Zakon o finansijskoj konsolidaciji je temporalnog karaktera i privredna društva su zahtjeve za odobravanjem ovih postupaka mogla podnositi do 30.06.2026.godine.

Prijedlogom ove izmjene, omogućava se drugim privrednim društvima koja posluju sa poteškoćama da u roku **do 30.06.2028. godine, mogu podnijeti zahtjeve** za odobravanje postupka finansijske konsolidacije.

**d) Predlaže se da se važeća odredba člana 8. stav (3) Zakona o finansijskoj konsolidaciji privrednih društava u Federaciji Bosne i Hercegovine, koja glasi:**

#### Član 8.

Odluku o finansijskoj konsolidaciji društva sa većinskim učešćem državnog kapitala (u daljnjem tekstu: odluka) donosi Vlada Federacije Bosne i Hercegovine, vlada kantona, gradsko ili općinsko vijeće u roku 30 dana od dana dostavljanja zahtjeva iz člana 7. ovog zakona.

Za donošenje odluke iz stava (1) ovog člana u svakom pojedinom slučaju nadležan je nivo vlasti koji u privrednom društvu koje se konsoliduje vrši ovlaštenja na osnovu učešća državnog kapitala (u daljnjem tekstu: nadležni organ vlasti).

Odlukom iz stava (1) ovog člana bliže se uređuje postupak i vrijeme trajanja finansijske konsolidacije za svako pojedino društvo sa većinskim učešćem državnog kapitala, s tim da postupak finansijske konsolidacije ne može trajati duže od 31.12.2027. godine. Odluka iz stava (1) ovog člana dostavlja se Poreznoj upravi Federacije Bosne i Hercegovine, nadležnom sudu i drugim nadležnim organima.

Ukoliko društvo sa većinskim učešćem državnog kapitala koje se konsoliduje ne započne izmirivati sve svoje tekuće finansijske obaveze u roku 60 dana od dana donošenja odluke iz stava 1. ovog člana, nadležni organ vlasti donijet će odluku kojom

stavlja van snage svoju odluku o finansijskoj konsolidaciji tog društva sa većinskim učešćem državnog kapitala.

Ukoliko na osnovu podnesenog zahtjeva iz člana 7. ovog zakona utvrdi da nisu ispunjeni uvjeti za provođenje postupka finansijske konsolidacije, nadležni organ vlasti donosi odluku o odbijanju zahtjeva za pokretanje postupka finansijske konsolidacije.

**Predložena izmjena** u članu 8. stav (3) Zakona, riječi: „**31.12.2027. godine**“ zamjenjuju se riječima: „**31.12.2029. godine**“.

**Novi stav (3) glasi:**

Odlukom iz stava (1) ovog člana bliže se uređuje postupak i vrijeme trajanja finansijske konsolidacije za svako pojedino društvo sa većinskim učešćem državnog kapitala, s tim da postupak finansijske konsolidacije ne može trajati duže od **31.12.2029. godine**.

**Obrazloženje:**

Prijedlogom ove izmjene u Zakonu o finansijskoj konsolidaciji se **omogućava** da privredna društva kojima je odobren postupak finansijske konsolidacije, **u roku od dodatne dvije godine, odnosno do 31.12.2029. godine**, izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine.

e) Predlaže se da se **važeća odredba člana 11.** Zakona o finansijskoj konsolidaciji privrednih društava u Federaciji Bosne i Hercegovine, koja glasi:

- (1) Finansijska konsolidacija društva sa učešćem državnog kapitala i društva sa 100% učešćem privatnog kapitala može obuhvatiti dugovanja nastala zaključno do 31.12.2021. godine na osnovu:
  - doprinosa za zdravstveno osiguranje,
  - doprinosa za osiguranje od nezaposlenosti,
  - poreza, isključujući poreze na dodatnu vrijednost,
  - dugovanja prema zaposlenicima i
  - isporučene vode, struje, plina, grijanja i ostalih komunalnih usluga.
- (2) Finansijska konsolidacija dugovanja društva sa učešćem državnog kapitala i društva sa 100% učešćem privatnog kapitala za doprinose za penzijsko i invalidsko osiguranje bit će predmet posebnog zakona. Na postupak finansijske konsolidacije društva sa učešćem državnog kapitala i društva sa 100% učešćem privatnog kapitala shodno se primjenjuju čl. 6., 7., 8., 9. i 10. ovog zakona s tim da privredna društva sa 100% učešćem privatnog kapitala zahtjev za pokretanje postupka finansijske konsolidacije podnose federalnom ministarstvu nadležnom prema pretežnoj djelatnosti koju obavlja privredno društvo sa 100% učešćem privatnog kapitala koji se konsoliduje.
- (3) Vlada Federacije Bosne i Hercegovine nadležna je za odlučivanje u postupku finansijske konsolidacije privrednog društva sa 100% učešćem privatnog kapitala.

**Predložena izmjena**, da se, u članu 11. stav (1) Zakona, riječi: „**31.12.2021. godine**“, zamjenjuju se riječima: „**31.12.2025. godine**“.

**Novi stav (1) glasi:**

- (1) Finansijska konsolidacija društva sa učešćem državnog kapitala i društva sa 100% učešćem privatnog kapitala može obuhvatiti dugovanja nastala zaključno do **31.12.2025. godine** na osnovu:
- doprinosa za zdravstveno osiguranje,
  - doprinosa za osiguranje od nezaposlenosti,
  - poreza, isključujući poreze na dodatnu vrijednost,
  - dugovanja prema zaposlenicima i
  - isporučene vode, struje, plina, grijanja i ostalih komunalnih usluga.

**Obrazloženje:**

Prijedlogom ove izmjene, ažurira se vremenski period koji može obuhvatiti dugovanja društva, a koja su osnova za finansijsku konsolidaciju društva sa učešćem državnog kapitala i društva sa 100% učešćem privatnog kapitala. Predloženo je da vremenski period koji može obuhvatiti dugovanja društva, umjesto **30.09.2021. godine**, budu dugovanja društva zaključno sa **31.12.2025. godine**.

**Prijedlog Zakona o izmjenama i dopunama Zakona o finansijskoj konsolidaciji privrednih društava u Federaciji Bosne i Hercegovine ima 6 članova.**

U članu 1., definisano je da finansijska konsolidacija društva sa većinskim učešćem državnog kapitala može obuhvatiti dugovanja nastala zaključno do **31.12.2021. godine**, odnosno da, izuzetno, dugovanja društva sa većinskim učešćem državnog kapitala čija je osnovna djelatnost eksploatacija mineralnih sirovina, a koja se odnose na dugovanja za doprinose za penzijsko i invalidsko osiguranje, mogu biti predmet finansijske konsolidacije.

Članom 2. definisano je to da kada je nad imovinom društva čija je osnovna djelatnost eksploatacija mineralnih sirovina, a koja nije uslov za obavljanje osnovne djelatnosti, uspostavljena hipoteka u korist Porezne uprave Federacije Bosne i Hercegovine, prodaju takve imovine provodi Porezna uprava Federacije Bosne i Hercegovine u skladu sa svojim propisima. Društvo čija je osnovna djelatnost eksploatacija mineralnih sirovina, a koje se nalazi u postupku finansijske konsolidacije obavezno je dostaviti Poreznoj upravi Federacije Bosne i Hercegovine popis i procjenu imovine koja se ne koristi za obavljanje osnovne djelatnosti, u skladu sa članom 7. ovog zakona, te svaku naknadnu promjenu u pogledu statusa te imovine. Prodajom imovine na ovaj način ne prekida se postupak finansijske konsolidacije društva čija je osnovna djelatnost eksploatacija mineralnih sirovina, već se ostvarena sredstva uračunavaju u realizaciju plana konsolidacije.

Članom 3. definisano je da, Zahtjev za finansijsku konsolidaciju odgovorno lice u privrednom društvu sa većinskim učešćem državnog kapitala, može podnijeti do **30.06.2028. godine**.

Članom 4., definisano je da postupak finansijske konsolidacije ne može trajati **duže od 31.12.2029. godine**.

Članom 5., definisano je da postupak finansijske konsolidacije društva sa učešćem državnog kapitala i društva sa 100% učešćem privatnog kapitala može obuhvatiti dugovanja nastala zaključno do **31.12.2025. godine**.



U članu 6., propisano je da ovaj zakon stupa na snagu **osmog** dana od dana objavljivanja u "Službenim novinama Federacije BiH".

#### **V - FINANSIJSKA SREDSTVA**

Za provođenje ovog zakona nije potrebno obezbjediti posebna sredstva u Budžetu Federacije Bosne i Hercegovine, a njegova primjena nema i neće rezultirati fiskalnim učinkom.